

爲曾孫又匈奴傳握衍胸鞮單于者烏維單于耳孫也。以匈奴傳攷之。自烏維單于而下。或立弟。或立子。以世次定之。則握衍胸鞮單于與烏維單于之曾孫同行。又以知耳孫者曾孫也。又史記夏本紀。禹者黃帝之玄孫。三代世表帝禹黃帝耳孫。在紀言玄孫。在表言耳孫。則是以玄孫爲耳孫也。依之未得定。以耳孫爲即仍孫也。然則以耳音仍則誤矣。

〔伊呂波字類抄人倫〕仍孫昆孫之子也。

〔釋親考〕景孫之子爲仍孫六代。

郭氏曰。仍亦重也。

〔倭名類聚抄二〕雲孫孫。爾雅云。仍孫之子爲雲孫。言輕遠如浮雲也。今按八代孫也。

〔箋注倭名類聚抄子孫〕釋名。雲孫言去已遠如浮雲也。谷川氏曰。雲孫呼都留乃古。見新勅撰集歌都

留蓋蔓也。瓜葛之意。下總本注未有九代以後無名。只可稱其次十一字。蓋亦後人所增。非源君舊文也。

〔伊呂波字類抄人倫〕雲孫仍孫之子也。

〔釋親考〕仍孫之子爲雲孫七代。

郭氏曰。言輕遠如浮雲。

胤按國語。共之從孫四岳佐之。韋昭曰。共。共工也。從孫。昆弟之孫也。漢惠帝紀。內外公孫。耳孫。應劭曰。

耳孫者。玄孫之子也。言去其曾高益遠。但耳聞之也。李斐曰。耳孫。曾孫也。晉灼曰。耳孫。玄孫之曾孫也。

諸侯王表在八世。師古曰。耳孫。諸說不同。仍耳聲相近。蓋一號也。正字通云。耳孫。雲孫之子也。仍孫之

子爲雲孫。耳不宜復音仍。應說是。師古註誤也。據應說則係玄孫之子與來孫混。但當泛指遠孫而言。不可必拘世數耳。又韓文。獨孤府君

墓誌銘。夫人天水權氏貞孝。公臯之承孫。蔣之翹曰。承孫字未詳。又類書纂要。父故祖死。爲長孫者代

父服。斬衰三年。謂之承重孫。凡此等稱。爾雅所無。故附。